

كل الكلام
عمرو سلامة

كل الكلام / شعر

عمرو سلامة

الطبعة الأولى ، ٢٠١١



دار اكتب للنشر والتوزيع

القاهرة ، ١٠ اش عبد الهادي الطحان ، المرج

موبايل : ٠١١٠٦٢٢١٠٣

E – mail : dar_oktob@gawab.com

المدير العام :

يحيى هاشم

تصميم الغلاف :

إسلام جاويش

رقم الإيداع : ٢٠١٠/٢٤٥٣٣

I.S.B.N: ٩٧٨- ٩٧٧- ٤٨٨- ٠٩٨- ٨

جميع الحقوق محفوظة ©

كل الكلام

عمرو سلامة

شعر

الطبعة الأولى

٢٠١١



دار لكتب للنشر والتوزيع

الاهداء

فكرت كثيرا الى من اهدي هذا الديوان و في النهاية
اكتشفت انه لن يقرأ هذا الاهداء الا من سيقراً هذا الديوان
و لذا فاني اهدي هذا الديوان الى كل من سيقراه
مع تحياتي

البهلول المصري
عمرو سلامه

المقدمة

بهاليل زجلية

د. أبو الحسن سلام

لم يشأ الإفصاح عن اسمه الحقيقي على صفحة الفيس بوك الخاصة به، وهو تقليد قديم اتبعه كتاب وشعراء ونقاد في بداية ممارستهم العامة، ثم انصرفوا عنها بعد أن اشتهروا، وراجت كتاباتهم. وكان من بين أولئك الكتاب من انتحل اسما من أسماء الجنس المقابل لجنسه - ذكرا أو أنثى -

وصاحبنا اختار صفة من الصفات، بديلا عن اسمه الحقيقي الذي شاء إخفائه، وهو (البهلول) . والبهلول - بالضم - من الرجال، كما جاء في مختار الصحاح هو " الضحَّاك " وهو (اللعَّان) ، من (بَهل) بمعنى لعن. زمن حديث أبي بكر: " من ولي من أمور الناس شيئا فلم يعطهم كتاب الله فعليه بركة الله " ، وقال ابن عباس: " من شاء باهله ، إن الحق معي " والبهلول في المعجم الوسيط من بهل ، أي مضي بلا عمل ، يقال أهلك الراعي رعيته ، تركهم يفعلون ما يشاؤون لا يأخذ على أيديهم فهم مهولون . "

ولبهلولنا المصري ، موضوع حديثنا بهاليل زجلية ، فيس بوكية ، التف حولها العشرات من القراء المعجبين بأزجاله ، وهو واضح من إطلائهم عليها. وقد أسعدني بتواصله معي على صفحة الفيس بوك بأزجاله وأحاديثه شبه اليومية ، وبدمائة خلقه ، وغزارة إنتاجه

الشعري الرجلي في النقد السياسي والاجتماعي ، وفي الرباعية
الرجلية وفي المونولوج ، وفي الصورة الكاريكاتيرية الرجلية ، وكلها
من ألوان فن الرجل الذي ، كان له دور مهم وفاعل في حياتنا الفنية
والاجتماعية حتى نهاية الستينيات ، غير أنه اختفى ، وحلت محله
بعض الأشعار على هيئة مقدمات غنائية لمسلسلات رمضانية وغير
رمضانية.

ومن الغريب أنني لم ألاحظ فيما قرأت له من أشعاره الرجلية التي
بثها على صفحتي أو على مجموعته الإلكترونية ، أثرا لدلالة لفظة
بهلول ، فهو لا يعلن أحدا في شعره غير الأحوال المتردية للبلاد على
كل المستويات السياسية والاقتصادية والاجتماعية والتعليمية
والصحية ، دون أن يخرج أسلوبه عن خفة الدم ، وهو ما يجعل من
اسمه الذي اختار اسما على مسمى ، فهو إذ يبهل تراه فيما يكتب ،
إنما يترك لكل واحد منهم أن يفهم من خطابه الرجلي ما شاء له أن
يفهم من صور ازهلال حكوماتنا المتعاقبة بقراراتها الكليانية غير
الصائبة.

إذن ، فصاحبنا يكتب الشعر رجلا ، ناقدًا ، من منطلق حبه
لوطنه وغيته عليه . " أنا البهلول في حكاويكي/ أنا العاشق
لحواريكي/ أنا الشاري أنا المتباع/ يا أرضي يا وطني والديرة/ يا كل
صغيرة وكبيرة/ يا سر عذابي والحيرة/ يا أحلى معاني في السيرة/ يا
عابشه في قلبي أنا بيكي/ أنا البهلول أنا التايه/ في درب عنيكي)

هو كما نرى يتكلم بضمير الذات الفردية و بطريقة البوح
الرومنسي معبرا عن حبه لمصر ، وهو حب من طرف واحد - كما

أحس - هي علاقة لا تقوم على معادل موضوعي ، حيث طرف
إيجابي والآخر سلبي.

فإذا كانت البهلولة الرجولية الأولى هي نوع من البوح حول
علاقة ذات مواطن غير متكافئة الأطراف مع وطنه ، فإن البهلولة
الرجولية الثانية وإن كانت لونا من ألوان البوح أيضا إلا أنها تكشف
عن علاقة ذاته بوصفه إنسانا مجردا قانعا وراضيا بما هو عليه
مستسلما لقدره:

(أنا الإنسان بكل ما فيه / بأحزائي وأفراحي أنا راضي / أنا
الإنسان باعيش حالي / في يوم جلاد ويوم قاضي / أنا المشغول
بأحلامي / يوم آتي ويوم ماضي)

ويصح لي هنا أن أنفي عن تلكما البهلولتين الرجوليتين أية صفة
للبهللة لأن البهلهلة ، لا تؤمن بالاستسلام ، كما هو الحال في الثانية ،
ولكنها تخرج دوما على المألوف ، تعارضه تلعن واقعه. بينما تكفي
الأولى بالشكوى واللوم ، دون أن تنفلت من واقعها الذي تسبب في
عذابها أو تبدي ما يشير إلى محاولتها فعل شيء ينفي عذاباتها ،
وهيهات أن تقدر على التفكير في ذلك ، مجرد التفكير - لأنها تعلن
عن توهان صاحبها (أنا الثايه في درب عنيك) فهو مكتف بقيود
النظر إلى عيني حبيته / مصر .

وإذا كانت البهلهلة الرجولية الثالثة مما اخترناه مجالا للتحليل في هذه
المقدمة ، تسلك نسق النصح لقارئها حيث تقول:

(عايز تعرف قيمة نفسك / بص لنفسك بعيون ثانية / مش عين
نفسك / وأبقى ساعتها / قول عن نفسك / اللي في نفسك بعد ما
شفت حقيقة نفسك / وأبقى ساعتها / قول اية حالك / طابق نفسك)

ولئن بدى هذا لون من ألوان النقد الذاتي ، الذي هو العسامود
الفقري للتغير والتطور إلى حال أفضل ، إلا أنها فيما يسدو حالة
استدراك نقدية لما انطوى عليه خطاب البهلوتين السابقتين - سواء
أدرك الشاعر ذلك أم جاء عفو الخاطر - ولئن كان قد جاء عفو
الخاطر فهو يكون الأفضل -

أما البهلولة التالية فهي البهلولة بحق ، لأنها تفتح سلوكا رسميا
يجرح جيوب كل مواطني مصر المسكونة بالقرارات القارضة لأعمار
مواطنيها:

(احمد ربك هوا ببلاش/ كلمة لأه متقلهاش/ ممكن ياخدوا رسوم
ع التسمه

يبقى يا صاحبي رحنا بلاش/ غلوا القوطة طب ايه يعني/ هو يا
صاحبي ايه ما غلاش/ آه يا حكومه الله يعينك/ أصل الناس
مبيعجهاش)

وهذه البهلولة الزجلية أيضا:

(احكي همومك يا وطن/ مين اللي باعك للمحن/ مين اللي تاجر
في الجراح/ مين اللي يدفع التمن/ الوجه شاحب م الألم/ حتى الأغاني
الممكنة مش ممكنه)

لكنه سرعان ما تنقلت عن مسار البهلولة ، ليقع في هوة
الشكوى والأنين:

متلفعا برباعية :

(الآهات)

(ما بين الآه والآه)

تفوت آه

تموت آه

وترجع تولد آه

(عجي)

ويقاله طموحه الفني أخيرا مؤملا صياغة أوبريت، فيضع عنوانا
لصورة كاريكاتيرية يعارض فيها صورة غنائية شهيرة لليلى مراد
واسماعيل يس وشكوكو وإلياس مؤدب وعزيز عثمان وأنور وجدي
في فيلم عنبر) هي صورة (الحبيب المجهول) ليقف فيها أحوال الفلاح
والعامل ويصرخ بلسان أولياء الأمور من الدروس الخصوصية وما
جرت به على الأبناء والأسر والبلاد من فساد التعليم . وهنا من حقنا أن
نقول لصديقنا الشاعر : لا . ليست هذه أوبريت ، وإنما هي مجرد
صورة غنائية كاريكاتيرية في النقد السياسي والاجتماعي ، وقد
أحسننا فيها إذ عارضت عملا غائيا كاريكاتيريا سابقا أخذ من
الشهرة والإعجاب الجماهيري الكثير لسنوات طويلة وما يزال.

(اللي يقدر على زرعني / يزرعه ونا أجني معاه /

اللي يقدر على توبي / يغزله ونا أقوم لبساه)

بهلول الوطن

أنا البهلول في حواركي
أنا العاشق لخطاويكي
أنا الممجوع أنا الملتاع
أنا الشاري أنا المتباع
يا أمي و اختي و خلاني
يا بوي و عمي و اخواني
يا أهلي و ناسي و جبراني
يا روعي و نفسي و كياني
أبيع عمري و افديكي
يا أرضي و وطني و الديرة
يا كل صغيرة و كبيرة
يا سر عذابي و الحيرة
يا أحلى معاني في السيرة

يا عايشه في قلبي أنا ليكي
أنا البهلول أنا التاية
في درب عينيكي يا عنيا
أنا الحالم يكون خيرك في يوم ليا
أنا الدايب في لمس سماكي لإيديا
أنا بهلول لكن فارس
يعشق أحلي جنية
و عشاقها الوف ملايين
و أنا حالف تكون ليا

مين فينا الوطن

يا مصر يالي نكراني
أنا بكرة راجع تاني
و حزرع فيكي أفراحي
وأدفن فيكي أحزاني
يا مصر يما
أنا إبنك
أنا قلبك أنا شعبك
مسافر آخر الدنيا
و بردوا في قلبي
أنا شايلك
أنا وطنك أنا حدودك
أنا غيابك أنا وجودك
أنا المزروع في أحشائك
أنا حبك و أشواقك
أنا إمارح أنا بكرة

أنا الحاضر أنا الذكرى
أنا العايش في
جفن عينيكي و رموشك
أنا دهانك و تسريحك
أنا عطرك أنا رشوشك
يا مالكة قلب تلايبي
غزلتك قدرتي و نصيبي
رضيتك ناري و لهيبي
قبلتك فرحي و نحيبي
يا ساكنة في عرقى و ف دمي
و مين غيرك يشيل همي
و مين يقدر على ضمي
بشوفك قلبى بيسمي
يا ساكنة في عرقى و ف دمي
أنا وطنك أنا حدودك

حبيبتي السمرا

يا سمرا كثروا خطابك
وأنا دقيت على بابك
رسمت الكحل في أهدابك
كتبته حروفي في كتابك
ندرت الندر لأحبابك
فضلت أسير لأعائبك
وهمت وضعت في رحابك
نفخت العزم في شبابك
بدرت البذر في ترابك
زرعت الحلم في أهلك وأغرابك
ياسمرا قولي مين خانك
وحط السم في شرابك
هتك عرضك وباع أرضك

رفع مشترك رمى حجابك
حكم إنك تكونى خاطية
وساب العار في جلبابك
يا صابرة الصمت إيه آخره
وليه نسكت على عذابك
أنا حارمي تلال الخوف
والم حبابي و أحبابك
حاكون كلمة وصوت ملهوف
يثير الغيرة في شبابك
أنا حالف يمين معروف
لأبيع نفسي فدا ترابك
أنا قابل أكون عبدك
لكن مش عبد في ركابك
لكن مش عبد في ركابك

القمة العربية

يا أهل القمة عايزين منكوا
شوية ذمة
خلو قراركم كلمة حق
تعلّي الهمة
خليكو مرة أهل عدالة
و انصفوا أمة
أمة بلاها قدرها القاسي
بعدوان رمة
ما بيرحلشي ولا يرحمشي
ماسك فيها زى الحمى
يا أهل القمة عايزين منكوا
شوية ذمة
و كفاية شجب كمان و إدانة

خليكو مرة أهل أمانة
جيتوا كثير في قراركوا علينا
عايزين مرة تبقوا معنا
عهد الغادر كله خيانة
والله شبعنا خوف ومهانة
والله شبعنا خوف ومهانة

مصري

رغم التاريخ الطويل
و السرد ف الحوادث
بالعلم أنا عديت
كل حدود الوقت
شفت التاريخ إنسان
فارس كما الفرسان
شايلى فى إيدى سلاح
أقوى من التزييف
لا فيه زعيم صاحبه
و لا سلطة بتهمه
دائما يقول الحق
كاتب عن اللى كان
اللى ظفر أو خان
بأمانة ميفرقش
وبديت معاه رحلة

صفحة ورا صفحة
أولها كان آدم
وحكايته في الجنة
حوا مع الشيطان
خدعوا أبو الإنسان
غضب عليه الرحمن
قام طرده م الجنة
ونزلت يومها الأرض
معرفش جوع و لا برد
ولا حاجة عن نفسي
أول طريقي صعب
و مكان بلا عنوان
وصراع مع يأسى
و ركبت فوق الليل
و مشيت ف جيل ورا جيل
لما وصلت النيل
أيامها كان عزة

ملفوف بتوب أخضر
من روعة المنظر
قولت أشوف أصله
أيامها كان حاكمه
فرعون ما فيش زية
ونزلت ضيف عنده
أنا بوست على يده
وقف الزمن لحظة
وبديت معاه أقرأ
عن عظمة الفترة
ولقيت حروف واقعة
أو تاية في الزحمة
قلبت ف المعنى
ما لقيت ولا كلمة
ممكن تجمعنا
مع عظمة الفرعون
وبديت معاه أحكي

عن وطني من بعده
نزفت عنيه دمعة
وقال قوم يالا
غادر قوام عصرى
واياك تقول مصرى
دا المصرى كان إنسان
تخضع إليه الروس
ولا عمره كان محبوس
في زمرة المخايس
وركبت تاني الليل
أبحث بين الأزمان
عن عصر يقبلنى
لما وصلت زمان
الراية فيه عالية
والغاية فيه أعلى
والمعنى فيه أسمى
من كل نثر و شعر

و قابلت ابن العاص
وعرفته بين الناس
يعبر بحور الليل
و إيمانه كان قنديل
والعزم كان شيمته
أنا خفت من هيئته
ومشيت ما كلمته
قام هو ناداني
وسألني عن عصري
وبديت معاه أحكي
عن وطني من بعده
وقالي قوم يالا
ما أنت كمان منهم
وشاركت في الخنة
والذل بقي شيمتك
غادر قوام عصري
وإياك تقول مصري

دا المصري كان إنسان
تخضع إليه الروس
ولا عمره كان محبوس
في زمرة المحاييس
وركبت تاني الليل
ولا لاقى أي دليل
عن زمي يرشدني
لما وصلت زمان
وقابلت فية باشا
شايل معاه نهضة
ورأسه فيها أفكار
خلّت ظلامنا فمار
خلّى العقول تختار
من عظمة المصري
قامت معاه دولة
وعناصر القدرة
وعمل له كام فكرة

من خيرها أدينا عايشين
و الكل يشهد له
وساعتها قابلني
وسألني عن وطني
وحاله من بعده
سمعني قام يبكي
وقال قوم يالا
غادر قوام عصري
على دقة الساعة
أنا فوقت من حلمي
وجيت هنا لعصري
مقدرش أقول مصري
دا المصري كان إنسان
تخضع إليه الروس
و لا عمره كان محبوس
في زمرة المخابيس

الحبيب المجهول
(ليلي مراد ٢٠١٠)

ليلي

اللي يقدر على زرعي يزرعه
وأنا أعيش وآه
اللي يقدر على توبي
يغزله وأنا أقوم لبسائه

الحبيب الأول

أهو أنا أهو أنا
ولاحد ينفع إلّا أنا
أهو أنا أهو أنا
وأنا والقانون دفينوا سوا
مكتوب بأسمي ف البلد
مشاريع كثير ماهاش عدد
وفلوسي هربت م البلد
مفضلش منها ولا الهوا

با بيع هوا وأقبض تمن
وكمآن ياخويا مقدما
أبنى عمارة مؤقتا
تقع علينا كلنا
بس أرحمي بس أقبلي
دا النهب دا مستقبلي
كلام جميل وكلام معقول
مقدرش أقول حاجة عنه
لكن نسيت يا حبيبي تقول
السجن يوم لا بديل عنه

الحبيب الثاني

من ناحية وطني وحال وطني
برقع ميت صوت
وكل ما أبص لحال بلدي
أتمنى الموت
عامل وموظف وشايفهم
بعنيا في التصفيات
ندرا عليًا يا أهل بلدي

لأخلى روعي ف إيديكو شمة
وأفرد إيديا وأدعي ري
يهديك يا مصري ف كل جمعة
كلام جميل وكلام معقول
مقدرش أقول حاجه عنه
لكن نسيت يا حبيبي تقول
كثر الكلام ما يجيب همة

الحبيب الثالث

سيبك منهم دا مفيش غيري
قايم نايم تفكيري
مربوط ع الدرجة التامنة
والناس درجات
و زمان أنا كنت أفندي
واليوم شحات
معرفش لأكدة ولاأكدة
م الباب للباب
مديون أنا لدا ودا

وأنا عيشق هباب
يعنى المهية من الصراف
مع العلاوة مع الإنصاف
حيروحو درس خصوصي خفاف
ولا ألقى أكل أنا عيش حاف
كلام جميل وكلام معقول
مقدرش أقول حاجة عنه
لكن نسيت يا حبي الفول
حتلاقي فين أرخص منه

الحبيب الرابع

جيتك من آخر لبنان
مسلوب الأرض وطمعان
ألقى عندك عهد آمان
يا مصر يا أم الأوطان
لكن يا خسارة يا زمان

مصر اليوم غير مصر زمان
مصر دولة وليها وشين
وش باكي ووش حزين
تعدادها سبعين مليون
وديونها فوق البليون
و صارت ليلي بلا مجنون
و صارت ليلي بلا مجنون
كلام جميل وكلام معقول
مقدرش أقول حاجة عنه
لكن نسيت يا حبيبي تقول
الشعب يوم حيعود رشدة

الحبيب المنتظر يطلق البوق
حبيبي عماله أدور عليك
وأنا ريكي هنا جتني
مفضلش غير صرخة صادقة
يفتح لها قلبي

حررني يا رايدني

طهرني يا رايدني

حررني يا رايدني

طهرني يا رايدني

هموم الوطن

إحكي همومك يا وطن
مين إللي باعك للمحن
مين إللي تاجر ف الجراح
مين إللي يدفع التمن
الوجه شاحب م الالم
والقلب دايب ف العدم
حق الاغانى الممكنة
مش ممكنه
والكلمة محبوسة ف قلم
وف قلب قلبي إللي انظلم
قدر القلم يكتب حروف
ويقولي يالاكفاية خوف
وبلاش تسلّم للظروف
حارب همومك لو ألوف

و إمسح دموع أغلى وطن
و إحكي همومك يا وطن
وكفاية تشرب م العذاب
من ظلم أهلك و الصحاب
باعوا الشرف قبل التراب
حتى الضمير مات و اندفن
و إحكي همومك يا وطن

جراح بلدي

يا بايعة في عيالك
و لا جه على بالك
إن إحنا لحم و دم
دا العاصي خيالك
ينهب في أموالك
و إحنا نشيل الهم
و إن قولنا كلمة حق
يقولوا مليون لأ
و لا حد مرة اهتم
بحال حرافيشك
و حال رغيغ عيشك
خبزينه مر و هم
منك راح أتبري
و أروح أعيش برّه

لو حق أشرب سم
دى الغربة لو مرة
الجرح فيها مرة
و مسيره يوم يتلم
أما جراح بلدى
مزروعه في كبدي
بتجري ويا الدم
بتجري ويا الدم

الحكومة و أسعار الخضار

احمد ربك هوا بـبـلاش
كلمة لاه متقـولـهاش
ممکن يخدموا رسوم ع النسمة
يبقى يا صاحبي روحنا بلاش
غلّوا القوطة طب إيه يعني
هو يا صاحبي إيه مغلّاش
آه يا حكومة الله يعينك
اصل الناس ما بيعجهمـاش
ياما قاسيتي و شوقي عشانا
ياما عملتي علينا طنـاش
بكره الناس راح تفهم إنك
شايله الحمل دا غصب عنك
بكره الناس حتحقق ظنك

ممکن بردو نصوم یا حکومة
یبقی الاکل میلزمنش
و احمد ربك هوا بیسلاش

واحد منهم

أنا واحد منهم
و رضعت الدل على إيديهم
و عشقت خضوعهم
و شاركت معاهم في المحنة
و قبلت أكون من أتباعهم
و أكلت في لحم شهيد مني
و حللي السم في أفكارهم
أنا بعث القلم و إخواني
و بنيت البيت من أوجاعهم
أنا مبيت الفكر الاسلامي
ولست هلوم من تقاليعهم
و مشيت ع الموضة و أثاريني
بنسى وياها أصول ديني
وبيع الحاضر و الماضي

و بسلم نفسي وأنا راضي
أنا واحد عمره ما شاف النور
و لا حاكمه قانون و لا له دستور
عاش طول عمري أسير مكسور
و إن حد سألني بقول مستور
أصحت جبان و لا عمري أنور
و أشيل الظالم فوق راسي
و أحب أعاني و أقاسي
و أسطر حزني في كراسي
و أكل بالدين و لا أشيل فاسي
يحكمني الطيب و القاسي
و أعلن له ولاني و إخلاصي
ما أنا واحد منهم

أصعب غربة

ناوي أتغرب أيوة راح أهرب
ناوي أسافر أي مكان
إيه الأصعب غربة سفري
ولا غريب و أنا في الأوطان
غربة سفري يجوز تكويني
وتوريني عذاب ألوان
لكن أمني حيفضل عايش
إني ف يوم ألقالي مكان
أصعب غربة تشوفها يا صاحبي
غربة ما بين أهل و خلان
أصل زمانا ماله زمانا
دا العيب فينا ومفطينا
كنا زمان بتخاف علي بعض
كان الحب زمان يكفيننا

بس اليوم الحال اتغير
طمع الدنيا بان ف عنيا
سقطت منا معاني كثير
مات الحب إلهي يدينا
بقت الغربة ف كل مكان
يفرق إيه بعد الأوطان
أصعب غربة تشوفها يا صاحبي
غربة ما بين أهل و خلان
أنا جربت ف مرة الغربة
ولقيت فيها آهات وآسية
كان اليوم بيمر سنين
ولا فيه حد يطل عليا
شوفت ساعتها بلدنا عروسة
فاردة دراعها ومستتية
بتقولى إرجع تاني يا أملي
إنت حبيبي وضي عنيا
قومت رجعت وكل أمالي

ألقى حبابي كثير حواليا
ألقى مكاني بين إخواني
ألقى ف بلدي بر أمان
أصعب غربة تشوفها يا صاحبي
غربة ما بين أهل و خلّان
وأما رجعت صحيت م الحلم
ولقيت حالي أصعب وأضل
مش قادر أفتح بيت لعيالي
مش لاقى لقمة و لو بالذل
والله يا غربة بقيتي حبيبة
والعيشة فيكي هي الحل
وبقيتي حلم بنحلم بيه
وبقيتي أغلى م الأوطان
أصعب غربة تشوفها يا صاحبي
غربة ما بين أهل و خلّان

رُبَاعِيَات

١ - أرزاق

أرزاق يا صاحبي و كل شئ مكتوب
و إن بت يوم غالب بكرة تبات مغلوب
مهما تكون عاصي إنوى تتوب حتوب
دا التلج مهما برد لابد يوم حيدوب

٢ - العفريت

متخافش م العفريت أولى تخاف م الله
و إللي نشأ ع النعم يخاف يقول اللاه
دا العقل من فعلكم يا خلق ضل و تاه
و الصبر لو ينشري كنا يا ناس شريناه

العو

إللي يخاف م العوييني قصور من لو
 يحلم بعين صاحبة إن الأمور تحلو
 و يقاسي عز البرد و يقول دا أحسن جو
 و إن حكمه كلب خسيس يغني هو هو هو

٤ - بلدنا

بلدنا فيها العجب فيها الغريب سلطان
 خيرها يا ناس اتنهب و الظلم شمس تبان
 على كل وجه سؤال و إجابته مجهولة
 الكلب يحمي الحمى يا ناس دى معقولة

٥ - الآهات

ما بين الآها والآها

تفوت آها

تموت آها

و ترجع تتولد آها

٦ - حيلة الولايا

حيلة الولايا الدعا و اللطم على الخدين

و مدام قبلنا الخضوع نلطم بقى الخدين

متردوا يا أهل العرب عز العروبة فين

و لا العروبة بلا مكتوب على المساكين

أنا الإنسان

أنا الإنسان بكل ما فيه
بأحزائي و أفراحي أنا راضي
أنا الإنسان بأعيش حالتي
في يوم جلال و يوم قاضي
أنا المشغول بأحلامي
بيوم آتي و يوم ماضي
و بفتح صدري للفرحة
و أقفل قلبي على جرحي
و أقول البكرة حييجني
بحلم جسديد يزيد فرحي
يحيني البكرة بالآها
أعاني و أقاسي وياها
يتوه الدمع في عيوني

يغطي الروح و يملأها
و أبني الدنيا و أعمر
و أرجع ثاني و أدمر
و ألون نفسي بالألوان
أكون أصفر أكون أحمر
و أعذب نفسي بالتحزيب
ما بين أئمن و بين أيسر
و أعدي الحزن بالأحلام
و أكتب إسمي على الأيام
و أطبع صورتي ع التواريخ
و أحسب عمري بالأرقام
الاقى العمر بيعدى و يسييني
و لا حقتش الأحلام
بكون يومها أنا المظلوم
لا أنا الجلاد ولا القاضى

تعرف نفسك؟

عايز تعرف قيمة نفسك
بص لنفسك بعيون ثانية
مش عين نفسك
وإبقى ساعتها قول عن نفسك
إللي في نفسك
بعد ما شفت حقيقة نفسك
وإبقى ساعتها
قول إيه حالك
طابق نفسك
إبقى ساعتها
إعلن ندمك
إعلن أسفك
ولا أقولك ليه
راح تتعب قلب سيادتك

خليك شايف قيمة نفسك
بعيون نفسك
وإعمل كل إلهي بيحلالك
وإلهي في نفسك
خليك زى
آخر واحد
تعرف نفسك

مخدوع

أنا بكذب حتى عليا
أنا أكبر مخدوع فيا
بكذب و أصدق كدبي
وأحلم أحلام وردية
لو الاقى حد عارفي
و يقولى ازاي بيشفوني
أنا فاكرو نفسي عارفي
مع إني بعيني شايفني
وعنيا كمان كدابة
توصفلي و تمدح فيا
و تقولي يا زين محلاك
دا الكل يدوب في هواك
توصفني كأني ملاك
و تقولي الحق معاك

و أنا عارف كل عيوي
و بجني حتى عليا
أنا أكبر محدوع فيا

شاعر

أنا شاعر بلا أشعار
بلا نوتة ولا أحبار
نسيت نوتيّ وضاع قلّمي
وتوهت في زحمة المشوار
وجيت أعزف علي عودي
لقيت عودي بلا أوتار
ولما صحيت علي أمسي
لقيت يآسي يسبقني
ولما ناديت علي قلّمي
لقيت قلّمي مخاصمني
وجيت أمسك سطور نوتيّ
قالت جرحك بيألمني
وقولت يانوتة سامعيني
قالت بكرة حتظلمني

وترجع تاني لعيالك واشغالك
وترجع تاني قهجرني
سيك يا صاحبي م الأشعار
دي رحلة كلها أخطار
وخلي القلب في مكانه
وعلى شوية في الأسوار
دا زمن المادة خانقنا
مخلينا جثث هامة بلا أفكار
وعهد الحب زال عرشه
وتوجنا بداله دولار
ولو عايز تأخذ رأيي
سيك يا صاحبي م الأشعار

إلى كل عاصي

مهْدُورُ عمرك مهْدُور
و لتحيأ أبدا مقهور
فكتابك سلفا مسطور
فلا تنسي آيات من نور
إبداعك رهن الإشباع
وطموحك حلم قد ضاع
ستظل أسير الأطماع
و مصيرك يشري و يباع
مهْدُور عمرك مهْدُور
آما آن لفجرك أن يشرق
ونواصي رماحك أن تبرق
قبلتك أصلا في المشرق
إتبعها و ستجد النور
العمر دقائق و سيمضي

و العمل سيقى للأبد
على ربك إقبل بالعهد
ستجده رحيمًا و غفور
وستصبح دوماً مسرور

الْقُدُسُ لَمَّا بَكَى

رجالة لابسين طرح
والإسم رجالة
كلمتنا دائماً نعم
دي الـ لا بطالة
بنضحى جل يعيش
أعمامنا وأسيادنا
ولو شربوا يوم دمنا
أو فمضوا أكبادنا
ولو باعوا يوم أرضنا
أو هتكوا أعراضنا
كلمة نعم ورثنا
يورثها أولادنا
تعطل تروس الكون

وترونا شقالة
رجالة لابسين طرح
والإسم رجالة
القدس لما بكى
قالوا اليكى ممنوع
سيولنا بس الأمر
وحندرس الموضوع
وإزاي نقول لا
دول عملوا ميت مشروع
أوسلو وشرم الشيخ
والحرب شئ ممنوع
ويصير بقى إللى يصير
دا سلام مفيهوش رجوع
ولو دخلوا رام الله
أو هـلدوا بيت جالا
رجالة لابسين طرح
والإسم رجالة

كلمتنا دائماً نعم
دي الـ لا بطالة
صحننا يوم م النوم
وقالولنا قولوا لا
عائزين هتاف البعير
ودمعة فيها حرقه
وإدعوا يموت شارون
وإدو العرب ذقة
وإياكوا تنسوا النعم
وتسوقو في الـ لا
دي الـ لا دي منظره
مش لا فعالة
رجالة لابسين طرح
والإسم رجالة

غزة

عايز تعرف معنى العزة
يالا تعالى نروح على غزة
شوف الطفل هناك بيناضل
شوف الست بمليون راجل
يا أهل الخير يا كرام يا أفاضل
والله رقابنا دى عايزة مقاصل
جل ما نعرف معنى العزة
نصرة غزة دى عزة لدين
واجب شرعي و فرض و دين
نسأل عنه في يوم الدين
ولا نسيتموا صلاح الدين
إياكوا تنسوا اليوم و الأمس
ولا صراخها يصيح همس
أصل حكاية غزة القدس
بعد الليل راح تيجي الشمس

نور على جبهة كل مناضل
شوف الطفل هناك بيناضل
شوف المست بمليون راجل
إجمعوا كل رباط الخيل
خلوا قلوبكم أقوى دليل
إطلبوا نصر ما هوش بديل
إلا شهادة
تعرفوا بيها معنى العزة

فضيحة أبوغريب

بعد ما قولنا خلاص اتحصّر
بعد ما شق الصخر و عمّر
بعد ما زرع الحلم الأخضر
بعد ما وجه الكون اتغير
رجع الوحش الكاسر يظهر
جانب أسلحته و جي يدمر
كل معاني الحب الأكبر
و لأطماعه حط أساس
ينهب يسرق يقتل ناس
جرد نفسه من الإحساس
بعد ما قولنا خلاص اتحصّر
مين بيعذب فينا الثاني
مين الظالم مين الجاني
مين موجود على أرض الثاني
مين بيدمر شجر الخير
مين ييجور على حق الغير

اللي يقاوم لجل مصر
قولّي يا عالم أي ضمير
يرضى يشوف الحق أسير
بعد ما قولنا خلاص اتخصّر
لملم جرحك يا أبو غريب
قدرك تشهد ع التعذيب
شمس الظلم لا بد تغيب
جرح العربي لا بد يطيب
بس يآمن بالله أكبر
بس يآمن بالله أكبر

أنا نتاج جُبنكم

بكره السفيح يتولد و ينادى يا أمي
أخوالي كان فينهم لما انسفع دمي
و حلاقي فيهم عم و لا الغريب عمي
حتكوني أمي صحيح و تشيلي و تسمي
و لا حاكون عارك و تفرطي في دمي
نادت زمان حرة ع المعتصم بالله
و لأنه كان قلبه مليان إيمان بالله
مخافش على عرشه و لا همّه عز و جاه
لبي ندا الحرة طاعة لأمر الله
و لا شفش جفنه النوم إلا و أخته معاه
واللي حصل فعلكم يا أحفاد صلاح الدين
و ياريت من قلة دا عددكو بالملايين
نسيخوا ليه أصلكم و بعثو يوم حطين

حَكَمُوا فِي أَمْرِكُمُ الْكُفْرَةَ وَ الْمَلَاعِينَ
أَنَا نَتَاجُ جُبْنِكُمْ حَعِيشِ سَنِينَ وَ سَنِينَ
شَاهِدْ عَلَى ذَلِكُمْ لِحَدِّ يَوْمِ الدِّينِ

بيّاعين السلام

دول بيقولوا يا صاحبي سلام
ويبيعوا ليا وليك ألغام
ويخلّونا نكره بعض
يمنعوا فرصة أي كلام
دول رافعين الأمن شعارهم
وبيكُونَا أنا وانت بنارهم
ويغرونا ببعد نظرهم
والله يا صاحبي دا يبقى حرام
خلّوا الوحدة ما بنا بعيدة
خلّوا عقولنا تملّى شريدة
إيشي حركات واجتماعات
و حقوق فيتو وأي كلام
دا حنا يا صاحبي بقينا تايهين

مره شمال و مره یمین
ولا عارفین
راحت فین أمجاد أجدادنا
هریت فین منا الأحلام
دول یقولو یا صاحبی سلام

هريدي و سعدية و المركب التركية

هريدي الصعيدي

الله يجازيك يا سعدية
عملالي مناحة و قضية
على مركب اسمه الحرية
بعناه الدولة التركية
بهدوم على حبة أدوية
راح تكسب بيه البهوية
على راس الدول العربية
مساعيها السابقة الدولية
لدخول العصبة الغربية
مجايش نتيجة يا وليه
و في آخر قمة عربية
عاوزين يدوها العضوية

مراته سعدية

يا هريدي استهدى شوية
دي بردوا الدولة التركية
دي شعار الخير و الحرية
و بتملك أسلحة ذرية
و مدافع و جيوش حربية

هريدي

الله يجازيكى يا سعدية
أنا فاكرك زى صعيدية
فهمانة و لو قالوا غيبة
في تاريخ الحادثة المعنية
حييتنا الدولة التركية
عملاتها منورة جوية
مع جيش الدولة العبرية

يا هريدي كلام مش معقول
دي الدنيا بحالها بتقول
حبيتنا الدولة التركية
حترجّع تاني أمجادنا
و تعيد العزة لبلادنا
و حتتصر دولم على دول

هريدي

يا حبيبي يا مربي يا سعدية
العيب ف شعوبنا العربية
من كتر اليأس يا ولية
بقوا يجروا ورا كل رزية
و عقولهم غايبة و منسية

سعدية

يا هريدي مخولتلي راسي
خالتني أعاني و أقاسي
خلبطت جداولي ف كراسي
واهي دنيا مليانة مآسي

هريدي

سعدية راح أقولك كلمة
حطيتها في ودانك حكمة
العالم محكوم بالقوة
و الشعب اللي تذله اللقمة
و يطاطي على لقمة عيش
يستاهل ضرب البراطيش
يستاهل ضرب البراطيش

هريدي و سعية و المركب الإيرانية

هريدي

رتلي زغرودة يا سعية
اهو بعوا مركب إيرانية
في حراسة قوات ثورية
معلوم على حبة أدوية
راح تاخذ بيها العضوية
في ركاب الخير و الحرية
مساعدتها الجارية النووية
عملاتها مشاكل سياسية
محتاجة علاقات دولية
ملاقيش في الدنيا بلية
غير أهل الدول العربية
و اهي تعمل م القلم قضية
من بعد الحرب العراقية

و اهي تكسب علاقات ودية
و تعيد أمجادها الفارسية
إشعنى الدولة التركية

سعدية

يا هريدي استهدى شوية
على طول وخداك السخونية
ما هي بردوا الدول الإيرانية
في عداد الدول النووية

هريدي

على رأيك بردوا يا سعدية
في عداد الدول النووية
و سلاحها النووي يا ولية
معمول للدولة العربية
و حيحامي حدودنا العربية
أنا فاكرك زي صعيدية

فهمانه و لو قالوا غيبة
حبيبتنا الدولة الإيرانية
أحلامها يا مرقّ فارسية
لو طالت أيدها يا سعدية
تحتل الدول العربية

سعدية

سوّدت الدنيا يا هريدي
زوّدت جراحي و تنهيدي
نورني أكثر يا هريدي

هريدي

راح أقولك تاني يا سعدية
العالم محكوم بالقوة
و الشعب اللي تذله اللقمة
و يطاطي على لقمة عيش
يستاهل ضرب البراطيش
يستاهل ضرب البراطيش

كُلُّ كلام الحب

حاكتب كل كلام الحب عشانك
و انسى قساوتك لجل حنانك
و حاجيب قلبي قصادي و اقله
رغم عذاب الحب دا كله
رغم آلام البعد و ذله
إني بحبك و ان كياني هو كيانك
و اكتب كل كلام الحب عشانك
بس ياريت يا حبيبي ألاقي
كلمة تعبّر عن أشواقي
لو قضيت العمر الباقي
بكتب كل كلام الحب عشانك
مش حيكفي و لاحيساوي

لحظة أعيشها ما بين أحضانك
يألي الشوق في عنيكي مداين
مهما نَجَّي حبك بايــــن
طرح العشق في قلبي جنائين
حازرع و اقطف فرح عشانك
و اكتب كل كلام الحب عشانك

عَلَّمْتَنِي

عَلَّمْتَنِي أَشْكُو الْهَوَى
وَأَذَقْتَنِي مُرَ النَّوَى
وَالْعَقْلَ مِنِّي قَدْ هَوَى
فِي بَحُورِ عَشَقٍ لَمْ تَزَلْ
مَجْهُولَةً مِنْذُ الْأَزَلْ
شَرِبَ الزَّمَانَ وَ قَدْ أَكَلَ
عَلَى قَلْبِي مِنْ طَوْلِ النَّوَى
مَا لِي وَحُورٍ فِي الْعَيُونِ
أَنْسَانِي نَفْسِي وَمَنْ أَكُونُ
أَلْقَانِي فِي سَجْنِ الظَّنُونِ
وَرَمَانِي فِي بَحْرِ الْهَوَى
يَا مَنْ عَلَى قَلْبِي سَطَعَ
وَبَنُورِ حُبِّ مَا انْقَطَعَ
جَرَّعْتَنِي كُلَّ الْبَدْعِ
عَلَّمْتَنِي أَشْكُو الْهَوَى

زمن الذئاب

يا أماني الحيارى
ما لكم في الحب جانب
إني أعلنت الفرارا
و انتويت أعيش راهب
فالحب في زمي خطيئة
والدمعة ما عادت بريئة
إني عن الأشواق ذاهب
هل عرفتم يوم عني
إني للعشق أغتني
أو لذي في الحب قارب
يا جدران قلبي الرقيقة
إني أنبئك الحقيقة
ما أنا للشوق شارب

فأنا في زمن الذناب
أخشى على قلبي العذاب
فلم أتركه يعاني
من حبيب بين بعد و اقتراب
و هل يحق أن تشكوا نفسي
بين أرجاء إغتراب
يا أُمّاني الحيارى
مالكُم في الحب جانب

لو

لو سلوتي فعلمي
كيف أنساكي يا حبي
لو نسيقي فعلمي
كيف ينسى الحب قلبي
لو هواكي كان ذنباً
ما رجوت غفران ذنبي
ما انتويت العشق يوماً
ولقد رماني بالعشق ربي
فعلمي علمي
كيف ينسى الحب قلبي ؟

عشانك أكون

لا عمري كان لي دموع
و لا حيكون
إلاّ عشان حبك
طول عمري قلبي حنون
و لا بيهون
أبدأ عليه دمعك
دا غرامي يملئ الكون
و عشانك إنت أكون
شمعه تنورلك
دا الحب عنواني
و الخطوة و خدائي
دائماً على دربك
لو يوم حتنساني

يفضلي إيه ثاني
غير الجراح بعدك
أنا قلبي بيك موعود
ولا عمري بنسى وعود
بنتسى ليه وعدك
أصلى الغرام مرة
والقسوة لو مرة
حافلها من يدك
أنا عمري ليك موهوب
ولا ناوي إني أتوب
وانسى في يوم حبك
أنا أصلي بيك داري
طب ليه بقى تداري
إني حبيب قلبك

هابي نيو بير

هابي نيو بير
و حنليس الطراطير
و حنطلب التغير
م الست شيكا بيكا
و الست شيكا بيكا
سيرها بطالة
على الحق تتكلم
و كلامها دا قواله
و عامله راعي سلام
و حروبها شغاله
و لا عايزه تتعلم
من فينا و ايامها
و في فينا ضربوها

و لاحق نفعوها
إخواها و اعمامها
في القدس حطة زبون
نفسه يهد الكون
ما هو أصله واد ملعون
م العقدة صار مجنون
و العقدة إيه هي
دي حكاية شخصية
كان عندو ديك ببيض
سرقو العيال بيضة
من يومها أهو حالف
ليه ميت أوضه
و اما يشوف عيل
بالطوبة بينشن
يقوم قاوم يجري
لا الحالة تتيل
يخسر كمان بيضة

هابي نيو بير
لو يحصل التغيير
و البال يروق ثاني
أنا نفسب بقي أدندش
واعيش كده مفرش
و الحزن ينساني
وامسكلي كام مليون
و اعمل أنا المجنون
و ليلي قواني
بس الجنية مسكين
و حالته زى الطين
وازاي يعود ثاني
لقيته لما كان
محجوز له ألف مكان
و الكل بيعوزه
دلوقتي مين عايزه
لما الدولار غايظه

و ضربوه على بوزه
لأ غير الموضوع
أحسن يكون ممنوع
و مفيش كلام تاني
لا لسه فيه كلمة
تقدر تقول حكمة
ما أخذ القوة
يترد بالقوة
و ان كان بقى اللقمة
حناكلها بمذلة
نستاهل اللي يكون
و مفيش كلام تاني
مفيش كلام تاني

الحلو

الحلو زي القمر
و حلاوته رباني
رقعتني حنة قلم
بصراحة رباني
قلبي معاه انظلم
ويقول أنا الجاني
أنا قلت توبه يا ناس
ممشي وراه تاني
أنا بس لو أوصفه
م الوصف آه ياني
دا عوده غُصن لبان
بيجنّ الشبان
وإيدو إيد مخبر
يا إما إيد سجان

والبق فيه سكر
مندوغ بطقم سنان
والشعر دا باروكة
جايها من تاوان
أما العيون منجهه
ملهومش أي بيان
الصوت بقى حكاية
بينافس الغربان
مع إن إيدو طرشه
أنا بردوا فيه هيمان

أحلام الجمعان

يا فرخة متكفة * والعين ما تحلم بك
من برة متحمرة * والكبد في قلبك
الحالة متقشفة * والفقري أهو طالبك
لو ليكي ألف سؤال * من بطنى راح أجوبك
قوللى بس إزاي * أقدر أنول ودك
لو جيت عندي البيت * حابقي أسير حُبك
وعد وعليا خدييه * يومها ما اسيب عضمك
والرز راح اسويه * والشوريه دي نخيك،
يا فرخه متكفة * والعين ما تحلم بك

فيل

حبيبي وزن ثقيل
يعني يدوبك فيل
وان يوم عليا مال
أشوف في حبه الويل
يمشي و يتغندر
قال يعني وزنه خفيف
وان مره زعلته
يقي لسانه سيف
يتقي ويشكل
في كلام كده ع الكيف
و يقول يا صدمان
يا ابو شعر زي الليف
مقدرش أرد عليه
ما أنا عارفه دمه خفيف

ممکن یلطفشلی
و یسیلی کام عاهه
دا ضربی یوم علقه
و عمری ما انساها
و ان رحت منه اشتکی
ألاقیه بیتباهی
اکمنی یعنی ضعیف
وشایفی مش آده
یعاملنی کده ع کیف
واغانی من عضه
أنا حدعی ربی علیه
یا ناس بقی یهده
یا ناس بقی یهده

الفهرس

٥	الامضاء
٧	المقدمة
١٣	مهلل الوطن
١٥	مين فينا الوطن
١٧	حييتي السمرا
١٩	القمة العربية
٢١	مصري
٢٩	الحبيب المجهول
٣٥	هموم الوطن
٣٧	جراح بلدي
٣٩	الحكومة و أسعار الخضار
٤١	واحد منهم
٤٣	أصعب غربة
٤٧	رباعيات

٥١	انا الانسان
٥٣	تعرف نفسك؟
٥٥	مخدوع
٥٧	شاعر
٥٩	إلى كل عاصي
٦١	القدس لما بكى
٦٥	غزة
٦٧	فضيحة أبو غريب
٦٩	أنا نتاج جُبنكم
٧١	بياعين السلام
٧٣	هريدي و سعدية و المركب التركية
٧٧	هريدي و سعدية و المركب الإيرانية
٨١	كُل كلام الحب
٨٣	علّمتني
٨٥	زمن الذئاب
٨٧	لو

٨٩	عشانك آكون
٩١	هالي نيوير
٩٥	الحلو
٩٧	احلام الجمعان
٩٩	فيل

